

Američka trgovinska komora u BiH organizirala radni ručak za svoje članove

IKA FERRER GOTIĆ (voditelj): Američka trgovinska komora u Bosni i Hercegovini danas je u Mostaru organizirala radni ručak za svoje članove kojem je prisustvovao i američki ambasador u našoj zemlji Patrick Moon. Tom prilikom upozoreno je da će razvoj bh. privrede nastaviti bilježiti negativan trend ukoliko politički lideri ne pokažu spremnost za kreiranje zajedničke vizije o budućnosti i institucionalnom uređenju zemlje. Američka trgovinska komora je prisutnima prezentirala svoje aktivnosti, ali i izrazila zabrinutost u vezi sa trenutnom ekonomskom situacijom u Bosni i Hercegovini, te osudila negativan trend ekonomskog oporavka u ovoj godini.

PATRICK MOON (ambasador SAD-a u BiH): Politički lideri moraju, zaista duguju svojim građanima da izađu tamo, da stvore mogućnosti za nove investicije, da otvaraju nova radna mjesta za građane jer to oni duguju njima, to su ti ljudi koji su njih izabrali na kraju krajeva.

FARUK TELIBEĆIROVIĆ (predsjednik AMCHAM BiH): Ekonomija gradi, ekonomija ruši državu. Američka trgovinska komora u Bosni i Hercegovini ima zadatak da se bavi ekonomijom, najmanje politikom. Politika nas samo toliko interesuje onoliko koliko omogućava ekonomiju i koliko je unapređuje.